



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm VIII. Quòd in dubiis.

[urn:nbn:de:hbz:466:1-62559](#)

gisse, vt tale Henrico consilium fraudulenta suggereretur, eiusq; rei executores aliquos è Canonicis statutos fuisse.

Tertia responsio: Renuntiationem Canonici factam Canonicis per traditionem literarum validam fuisse: Nihilominus Henrico subuentum fuisse Iudicis officio propter æquitatem. Hæc responsio supponit, quod Capitulum speciali iure aut privilegio potuerit Canonicatum resignationes recipere. Quo supposito, vera est responsio: Et consistit æquitatis ratio in eo, quod non fuerit renuntiatio omnino sponte, sed ad redimendam vexationem facta. Cum enim Henricus à Canonicis se imperaturum non speraret, vt eum secundum Pontificis mandatum, & Legati institutionē de iure admitterent; sperauit se facta iuris sui renuntiatione, per gratiam ipsorum admissum iri. Cum autem renuntiatio, quippe donationis species quædam, suæ naturæ exigat, vt spontanea & liberalis sit, ideo facile per Iudicis officiū succurririt, qualècumq; etiam non grauem metum passo. Vide quæ dixi lib. 3. Th. mor. tr. 4. c. 6. assert. 3.

Alia æquitatis ratio erat: Quia Capitulum debet exequi mandatum Apostolicum suscipiendo Henricum: ergo non extra culpam fuit accipiendo renuntiationem eius nō omnino voluntariam. Cum autem æquum non sit, vt Capitulum ex propriâ culpa commodum reportet, ideo tum ob hanc causam, tum ad defendantiam Apostolicæ Sedis autoritatem renuntiatio rescissa fuit, siue ea non obstante, Henricus in Canonicum institui debuit.

Quarta responsio. Quod renuntiatio non videaque valida fuerit; quia facta erat coram Canonicis tantum, non autem coram Superiori, cuius est resignationes recipere, iuxta c. admonet, 4. hoc tit. Quapropter æquitas non permisit, vt Pontifex dictam renuntiationem non canonice factam admitteret, seu ratam haberet; partim quia non sponte facta erat, sed ob præcedentem iniultam vexationem, iuxta c. super hoc, 5. codit, partim quia necesse erat ad Apostolicæ Sedis auctoritatem tuendam, vt prouisio-

nius mandato inchoata perficeretur, seuplenæ executioni traderetur, per susceptionem Canonicorum, & quietæ possessionis traditionem.

CAPITVLVM VIII.

Quod in dubiis.

SUMMARIUM.

1. Renuntiatio beneficij facta in manibus laici, irrita est, renuncians tamen beneficio spoliandus est:
2. Renuntiatio facta in manibus Clericis, cui potestas recipiendi eam non competit, valida est quoad ipsum renunciantem, non autem quoad Ecclesiam, vel Superiorum.
Potest tamen ita renuncians pœnitere, & per pœnitentiam renuntiationem renocare; si suam Superior authoritatem nondum interposuit, & res integra sit.
3. Beneficiatus renuncians in manu laici, citari & per sententiam priuari debet; si autem resignauit in manu clerici, & resignationem non renobauit, Superior beneficium alteri conferre non prohibetur: consultum tamen est renunciantem citari.
4. Etsi renuncians in manu clerici, antequam Superior renuntiationem ratam habet, proprietatem seu ius beneficij nō amittat, amittit tamen possessionem.

Si quis beneficium ecclesiasticum in manibus laici resignauerit, tametsi iterum suscepit, irrita est renuntiatio; sed renuncians beneficio priuandus est.

Circa textum huius c. aduerte primò: Quod dicitur sponte: quia si ob metum resignavit, succurreret, vt beneficium retinere possit, iuxta c. ad audientiam, 4. de ijs, quæ vi &c. Aduerte secundò: Quod dicitur renunciantem priuandum esse: videlicet per Iudicis sententiam, vti recte hic docet Antonius de Butrius. 8. Quia si ipso iure priuatus esset renuncians, tunc videretur renuntiatio in manibus

manibus laici facta aliquem effectum consecuta: quod inconueniens reputari debet.

2 Sed quid? Si renuntiatio beneficij fiat in manibus Clerici, cui accipendi resignacionem potestas non competit? Tum communiter respondent Doctores, quos refert Garcias de beneficijs p. 11. c. 3. n. 219. & seqq. renunciationem validam esse, quoad ipsa renuntiantem; non autem quoad Ecclesiam, seu Superiorum. Sensus esse debet: Quod in arbitrio Superioris positum sit, utrum renuntiationem ratam habere velit, & renuntiantem cogere, ut beneficium dimittat; dummodo renuntiatio sponte facta fuerit, ut habeatur in c. super hoc, 5. eod. tit. Ita cum Gloss. hic ver. in manu docet Innocent. n. 1. Anton. n. 8. & alij, quos citauit lib.

4 Th. mor. tr. 2. c. 17. n. 4. §. Porrò. Dicit

tamen Gregor. Tholosanus de benef. c. 31. n. 11. Vincentius apud Anton. de Butrio hic n. 8. Garcias n. 227. quod antequam Superior suam auctoritatem interposuit, id est quod res integra est, renuntians per penitentiam reuocare possit renuntiationem. factam in manu Clerici, cui tale ius non competebat: ed quod renuntiatio effectu omnino cōsecuta non sit, argum. l. 3. & 5. ff. de cess. bonorum. Sin autem in manu laici renuntiatio facta fuerit, non obstante, quod reuocauerit renuntians beneficium, à Superiori priuari potest, ut ex hoc c. colligitur: Quamvis aliqui considerantes verba textūs, arbitrentur, huic poenae locum non esse, nisi renuntians ab eodem laico beneficium denud suscepit.

Quæritur: Utrum Superior cognit renuntiatione facta in manum alterius, beneficium alteri conferre possit, etiam non vocato eo, qui renuntiauit.

3 Respondeo & Dico I. Si beneficiatus renuntiauit in manum laici, citari, & per sententiam priuari debet, antequam beneficium alteri conferatur. Ita colligitur ex hoc c.

Dico II. Si beneficiatus resignauit in manum Clerici, neque resignationem reuocavit, Superior beneficium alteri conferre non prohibetur: propterea quod resignatio, quantum est ex parte refugientis, valida sit,

ac proinde ad plenum effectum renuntiationis duntaxat necessarium est, ut Superior verbis, seu facto ipso declaret, quod renuntiationem admittere, seu ratam habere velit, ut docet Ananias hic, n. 11. Consultum tamen est, renuntiantem citari, ut appareat, num renuntiatio sponte facta sit, an vero ob metum, item, num simoniaca pactio interuererit: quia etiam hoc casu renuntiatio omnino irrita est, licet renuntians per sententiam contra Reum citatum latam beneficio priuari queat, ut dixi in c. admonet, 4. hoc tit.

Dices: Esto, quod renuntians in manu Clerici, priusquam Superior renuntiatione ratam habet, proprietatem seu ius beneficij non amittat, id est que vacare nondum censatur, utrum saltē possessionem amittat. Responsio est affirmativa, cum Innoc. hic n. 1. Abb. n. 8. & alijs communiter. Quamobrem ait Garcias, p. 11. c. 3. n. 237. quod renuntians contra eum, cui renuntiauit, non possit agere de spolio, nisi ostenderit se possessioni beneficij incubuisse, & ita spoliatum fuisse,

CAPITVLVM IX.

Ad Supplicationem.

PARAPHRASIS.

Archiepiscopus Ragusiensis impetravit ab Innoc. III. cessionem, ac liberationem ab ecclesia: ed quod sine vita sua periculo (fortasse propter insidias) accedere aut commorari ibi non posset. Verum ne idem Archiepiscopus, cum oprobrio ministerij atque dignitatis Archiepiscopalium, rerum temporalium subsidijs destitutus, approbat & confirmat Pontifex, quod dicto Ragusiensi, cum consensu Regis Angliae, Archiepiscopus Eboracensis beneficium in Episcopatu Carleoli contulerit. Addit Innocentius, se renuntianti concessisse, ut in eodem Episcopatu Carleoli officium Archiepiscopale, excepto pallijs suis, exercere possit, Archiepiscopo Eboracensi, tanquam Metropolitanano suo subiectus.